

# Athari zilizosababishwa na magaidi Msumbiji

12/31/88

WIKI mbili zilizopita Rais wa Shirika la Kusaidia Watoto lenye makao yake makuu Uingereza, Princess Anne, alitembelea kituo kimoja ambacho hutoa huduma kwa watu wasiokuwa na makazi nchini Msumbiji kutokana na ghasia zinazofanywa na magaidi wa nchi hiyo wanaosaidiwa na Afrika Kusini. JOHN MORRISON, wa Shirika la Habari la Reuters anaeleza kutoka Inhassunge, Msumbiji hali ilivyo.

JOSE Pinho, mmoja wa mamilioni ya wananchi wa Msumbiji ambao wamekumbwa na vita kati ya majeshi ya serikali na magaidi wanaosaidiwa na utawala wa Afrika Kusini, amempoteza mkewe, wanawe wawili, nyumba yake, nguo zake na fedha.

Siku chache zilizopita, baada ya kuhangaika msituni kwa muda wa mwaka mmoja akila mizizi na majani, yeye na mtoto wake pekee walijichechemeza hadi kwenye kituo cha serikali kinachowapokea watu wenye shida.

Huku majeraha yake yakiwa yametibiwa na akivaa shati jipya, Jose aliwaambia wanao dishi wa habari kuhusu majanga yanayowapata wananchi wa Msumbiji kutokana na mapigano hayo.

Akizungumza kwa kupitia kwa mkalimani, alieleza jinsi magaidi waliokuwa na silaha waliivyokwenda nyumbani kwake na kuinyang'anya familia yake kila kitu ilichokuwanacho na kukimbia msituni.

Kituo hicho cha kupokea wageni ambacho kilipakwa rangi ya Msalaba Mwekundu, ni mahali ambapo wale wenye shida na maradhi hupokewa,

wakiwa bila nguo au wakiwa wamevalia magome ya miti ambako hutunzwa kwa muda wa wiki.

Kuna zahanati ambako mtoto wa Jose anaendelea kutibiwa.

Mbali kidogo kati ya barabara na Shamba la Minazi kuna kituo cha watu wasiokuwa na makazi ambako watu 13,000 pamoja na Jose wanaishi kwenye vibanda.

Wote hao wamekimbia kutokana na wasiwasi wa kuuawa na magaidi ambao wamekuwa wakiwasumbua wakazi wa jimbo la Zambezia lenye rutuba sana na majimbo mengine pia.

"Hali ya sasa imekuwa nzuri kuliko ilivyokuwa mwaka mmoja uliopita," anasema lain Levine wa Shirika la Kuhudumia Watoto lenye makao yake makuu nchini Uingereza ambako Rais wake, Princess Anne, alitembelea kambi hiyo wiki mbili zilizopita.

Mradi wa serikali wa misaada ya dharura wa jimbo hilo, Alvaro Romhumane, anasema watu wengine bado wanaishi msituni.

"Tunafikiri wako watu wengi wako katika hali hiyo,

lakini hatufahamu wako wangapi. Katika baadhi ya wilaya kati ya watu 40 na 50 huwasili kila siku," anasema.

Serikali inasema inataka watu 430,000 kati ya watu milioni tatu katika jimbo Zambezia kurejea kwenye makazi yao wakati hali ya usalama inaendelea kuwa nzuri.

Katika nchi yote ya Msumbiji kwa sasa kuna watu milioni 1.1 ambao hawana makazi, kwa mujibu wa serikali.

Wakati wa ziara ya Princess Anne, alikuwa akilindwa na ndege ili kuonyesha kwamba serikali inaimarisha ulinzi kwenye sehemu hiyo.

"Serikali inarudisha madaraka yake hapa," anasema Levine.

Lakini kuna baadhi ya wilaya nchini Msumbiji ambako hali yake ya usalama bado ni mbaya kutokana na ghasia za magaidi hao.

"Romhumane, anasema majori na ndege haziwezi kwenye sehemu hizo ambazo zina jumla ya watu 430,000 na karibu katika sehemu zote za nchi misaada inapelekwa kwa msafara ukiongozwa na majeshi.

"Katika baadhi ya sehemu hali ya wasiokuwa na makazi ni



BAADHI ya wananchi wa Msumbiji ambao wanatunzwa kwenye vituo mbalimbali vya serikali baada ya makazi yao kuharibiwa na magaidi wa MNR wanaoungwa mkono na utawala wa Makaburu wa Afrika Kusini.

nzuri. Wanapatiwa chakula na nguo," anasema Levine.

Ardhi inafaa kwa kilimo, lakini wananchi hawajaiona mvua kwa muda wa mwaka kwa ajili ya kilimo cha mpunga, viazi na mihogo.

Wakati watu wanapokuwa

masikini, huvutiwa sana na magaidi. "Kama ukimpatia mwananchi wa kawaida bunduki ataitumia katika kupata ufumbuzi wa matatizo ya chakula kwa familia yake," anasema Levine.

[Damage?]

... caused by Msumbiji bandits